

STATUTI I SHOQËRISË SË THJESHTË

“DI-AL SERVICES”

Sot në Tiranë, me datë 14 Mars 2024, Anëtarët Themelues:

1. **Z. Drini Boshnjaku**, i biri i Menduh dhe i Minire , lindur më 16.09.1988 në Shkodër dhe banues në Tiranë, me shtetësi shqiptare, madhor, me zotësi të plotë juridike për të vepruar, me numër personal: I80916082L.
2. **Znj. Marsida Boshnjaku**, e bija e Gëzim dhe e Xhumaje, lindur më 19.06.1992 në Laç, Kurbin dhe banuese në Tiranë, me shtetësi shqiptare, madhore, me zotësi të plotë juridike për të vepruar, me numër personal J25619075Q.

Të dy së bashku me vullnetin e tyre të lirë dhe të plotë, të shprehur nëpërmjet kësaj kontrate themelimi, ranë dakort për krijimin e shoqërisë së thjeshtë *DI-AL SERVICES* me kushtet e mëposhtme.

Të dy së bashku, bazuar në vullnetin e tyre të lirë dhe në përputhje me Kodin Civil,

kanë hartuar më poshtë si vijon Statutin e Shoqërisë " *DI-AL SERVICES* ", të cilët e kanë themeluar në bazë të kontratës së themelimit.

KREU I

DISPOZITA TË PËRGJITHSHME

Ky akt rregullon pozitën juridike të shoqërisë, marrëdhëniet e themeluesve, dhe organeve të saj, llojin e partneritetit, kohëzgjatjen e veprimtarisë së saj, duke u bazuar në legjislacionin shqiptar në fuqi që rregullon marrëdhëniet juridiko-civile.

NENI 1

OBJEKTI I VEPRIMTARISË

Shoqëria e thjeshtë do të ketë si objekt të veprimtarisë së saj:

- Tregtim veshmbathje.
- Shërbime inxhinierike.

NENI 2

EMRI I SHOQËRISË

Emri i shoqërisë së thjeshtë është “DI-AL SERVICES”, më poshtë referuar si “Shoqëria”.

NENI 3

SELIA E SHOQËRISË

Selia e shoqërisë do të jetë në adresën: Rruga: “Imer Ndregjoni”, zonë kadastrale nr.8130, numër pasurie 3/9+1 - 1/1, Tiranë, Shqipëri.

NENI 4

REGJIMI JURIDIK I SHOQËRISË

Shoqëria udhëhiqet nga parimet e ekonomisë së tregut dhe ka qëllim midis tjerave fitimin.

Shoqëria organizohet në formën e Shoqërisë së Thjeshtë. Veprimtaria e saj i nënshtrohet dispozitave të Kontratës së Themelimit, Statutit dhe legjislacionit në fuqi.

Me vendim unanimit të mbledhjes së Anëtarëve Themelues, shoqëria mund të ndryshojë regjimin juridik të saj në përputhje me dispozitat ligjore që do të jenë në fuqi si dhe në përputhje të plotë me dispozitat e Kontratës së Themelimit dhe Statutit të saj, duke bërë përshtatjen e tyre sipas ndryshimeve përkatëse.

Shoqëria do të ketë vulën e saj.

NENI 5

TË DREJTAT DHE DETYRIMET E ANËTARËVE THEMELUES

Anëtarët mbajnë përgjegjësi për humbjet deri në kufirin e kapitalit të investuar.

Pasuritë e krijuara nga shoqëria gjatë aktivitetit të saj janë në pronësi të Anëtarëve në raport me kapitalin themeltar të investuar. Pasuritë e shoqërisë mund të tjetërsohen, jepen me qira dhe të lihen peng në hipotekë me miratimin e Mbledhjes së Anëtarëve Themelues.

NENI 6

KOMPETENCAT E ANËTARËVE

Anëtarët ndër të tjera kanë të drejtat e mëposhtme:

Miratojnë Bilancin vjetor të shoqërisë.

Vendosin për shtimin, pakësimin ose transferimin e kapitalit themelor.

Emërojnë dhe revokon Administratorin e shoqërisë.

Kryejnë modifikime në statusin sipas ecurive të shoqërisë si dhe kontroll të shoqërisë.

Vendosin për mbylljen e aktivitetit të shoqërisë ose shndërrimin e saj me një tip tjetër shoqërie.

Anëtarët në përputhje me Kontratën e Themelimit, me Statutin dhe legjislacionin në fuqi kanë të drejtë të zotërojnë kuota aksione edhe në Shoqëri të tjera, te thjeshta apo tregtare.

Anëtarët kanë të drejtë të emërojnë ose shkarkojnë Administratorin e Shoqërisë apo të punësuarit.

NENI 7

DETYRIMET E ANËTARËVE

Anëtarët kanë ndër të tjera detyrime si më poshtë:

Anëtarët Themelues detyrohen të ruajnë sekretin e themelimit dhe të veprimtarisë së shoqërisë.

Të derdhin kapitalin e nevojshëm për fillimin e aktivitetit të shoqërisë.

Të sigurojnë mundësinë e specializimit të personelit gjithnjë në funksion të rritjes së nivelit dhe cilësisë së veprimtarisë së ushtruar.

NENI 8

KOHËZGJATJA E SHOQËRISË

Shoqëria e thjeshtë "DI-AL SERVICES" do të ushtrrojë aktivitetin për një periudhë kohore të pakufizuar.

NENI 9

KUSHTET EKONOMIKE TE SHIQËRISË

Aktiviteti operues i Shoqërisë bazohet në parimet e ekonomisë së tregut.

Veprimtaria ekonomike dokumentohet mbi parimet e kontabilitetit dhe pasqyrohet në bilancin e saj.

NENI 10

KAPITALI I SHOQËRISË

Kapitali themeltar i shoqërisë është i përbërë nga kontributi i anëtarëve themelues në vlerën 10.000 (dhjetë mijë) lekë.

Kapitali themeltar është investuar nga anëtarët themelues në këtë mënyrë:

1. Z. Drini Boshnjaku në masën 50% të vlerës së kapitalit themeltar.
2. Znj. Marsida Boshnjaku në masën 50% të vlerës së kapitalit themeltar.

Vlerësimi i kapitalit themeltar është bërë nga anëtarët themelues me rastin e themelimit të kësaj shoqërie dhe nënshkrimit të kësaj kontrate themelimi, dhe është nënshkruar prej tyre pa rezerva.

Kapitali themeltar ose pjesë të caktuara të tij, janë të transferueshme si ndërmjet anëtarëve themelues ashtu edhe përkundrejt personave të tretë.

Transferimi i kapitalit ose pjesëve të tyre në favor të një personi të tretë bëhet gjithmonë me miratim të anëtarëve themelues dhe me akt noterial.

Në qoftë se njëri nga anëtarët themelues dëshiron të shesë kuotat e kapitalit të tij, duhet të respektojë të drejtën e parablerjes nga anëtarët e tjerë, ose aprovimin e tyre unanim për shitjen e pjesës së tij një subjekti tjetër.

Vlerësimi i kapitalit themeltar në natyrë bëhet nga anëtarët në një marrëveshje të vecantë ose një nga ekspertët kompetentë i caktuar nga anëtarët.

NENI 11

ORGANIZIMI DHE DREJTIMI ADMINISTRATIV I SHOQËRISË

Organi më i lartë vendimor i shoqërisë është Asambleja e Anëtarëve, e cila mbledhet në cdo kohë kur Administratori apo vetë Anëtarët e kërkojnë.

Anëtarët me marrëveshje në përputhje me nenin 1080 të Kodit Civil bien dakord se Administratimi i Shoqërisë do të kryhet nga një Administrator, i cili do të veprojë i

vetëm.

Administratori përfaqëson Shoqërinë në marrëdhënie me të tretët si dhe para organeve të administratës dhe atyre gjyqësore.

Administratori emërohet apo shkarkohet me vendim të gjithë Anëtarëve.

Person i mëposhtëm emërohet Administrator i Shoqërise për një periudhë 5 vjecare me të drejtë riemërimi:

Z. Drini Boshnjaku, i biri i Menduh dhe i Minire , lindur më 16.09.1988 në Shkodër dhe banues në Tiranë, me shtetësi shqiptare, madhor, me zotësi të plotë juridike për të vepruar, me numër personal: I80916082L.

NENI 12

KOMPETENCAT E ADMINISTRATORIT

Administratori i shoqërisë përfaqëson shoqërinë në marrëdhënie me të tretët dhe ka të gjitha kompetencat për të vepruar në emër dhe për llogari të shoqërisë.

Shoqëria merr përsipër të gjitha përgjegjësitë që mund të vijnë nga veprimet e kryera nga administratori.

Administratori ka ndër të tjera kompetencat si më poshtë:

Të përcaktojë strukturën organizative të shoqërisë.

Të miratojë planin e veprimtarisë së shoqërisë.

Të miratojë pasqyrat financiare të shoqërisë.

NENI 13

VITI FINANCIAR, PASQYRAT VJETORE FINANCIARE

Viti financiar i shoqërisë zgjat 12 muaj dhe fillon në ditën e parë të Janarit dhe mbaron me 31 Dhjetor të vitit. Viti i parë i shoqërisë fillon në datën e regjistrimit dhe mbaron në datën e 31 Dhjetorit.

Në fund të vitit financiar, administratori do të përmbushë detyrat e mëposhtme:

Përgatitjen e listës së aseteve të shoqërisë.

Përgatitjen e bilancit të shoqërisë i cili përshkruan situatën financiare të shoqërisë.

NENI 14

FITIMI I SHOQËRISË

Fitim i Shoqërisë do të shpëndalet në përputhje me pjesët takuese të kapitalit të Anëtarëve të saj.

NENI 15

MBYLLJA E SHOQËRISË LIKUIDIMI

Shoqëria mund ti japë fund aktivitetit të saj dhe para afatit të përcaktuar në aktin e themelimit, me aprovimin e Asamblesë së Anëtarëve Themelues.

Kur shoqëria likuidohet plotësisht, Asambleja krijon komisionin e likuidimit në të cilin paraqet bilancin e likuidimit.

Pasuria e shoqërisë, pasi shlyhen detyrimet e shoqërisë, do të ndahet mes anëtarëve në proporcion me kontributin e tyre në kapitalin themeltar.

Pasuria që është futur në shoqëri me të drejtë shfrytëzimi i kthehet pronarit të saj.


NENI 16

TË PERGJITHSHME

Në rast të lindjes së mosmarrëveshjeve për këtë kontratë që ka vlerën e aktit të themelimit të shoqërisë, do të zgjidhen nga vetë anëtarët themelues me mirëkuptim dhe kur kjo nuk arrihet, ato do të zgjidhen nga gjykata kompetente.

Gjykata kompetente për zgjidhjen e mosmarrëveshjeve është Seksioni Civil i Gjykatës së Shkallës së Parë Tiranë.

ANËTARËT

Drini Boshnjaku


Marsida Boshnjaku
